

Na osnovu člana 16.stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 27. sjednici održanoj dana 14.09.2015. godine d o n o s i

## **ZAKLJUČAK**

### **I.**

Prima se na znanje Informacija o stanju prikupljanja i deponovanja otpada na području Zeničko-dobojskog kantona i odvozu na regionalnu deponiju „Mošćanica“.

### **II.**

Informacija iz tačke I ovog zaključka upućuje se u dalju skupštinsku proceduru.

### **III.**

Zaključak stupa na snagu danom donošenja.

Broj: 02-14-17050/15.  
Datum, 14.09.2015. godine  
Zenica

**PREMIJER**

*Miralem Galijašević*

DOSTAVLJENO:

1x Ministarstvo za prostorno uređenje,  
promet i komunikacije i zaštitu okoline,  
1x Stručna služba Skupštine,  
1x a/a.

# **I N F O R M A C I J A**

**O STANJU PRIKUPLJANJA I DEPONOVANJA OTPADA NA PODRUČJU ZDK I  
ODVOZU NA REGIONALNU DEPONIJU MOŠĆANICA**

**Juli, 2015. godine**

## UVOD

Prema članu 9. Zakona o upravljanju otpadom („Službene novine Federacije BiH“, broj:33/03), donošenje Plana za upravljanje otpadom je zakonska obaveza svakog kantona i predstavlja dokument koji je obavezujući dio procesa planiranja sistema upravljanja otpadom. Plan upravljanja otpadom istovremeno odražava složenost aktivnosti upravljanja otpadom, te predstavlja instrument u čijoj su izradi učestvovali svi relevantni organi u općinskim strukturama i zainteresovane stranke u Zeničko-dobojskom kantonu.

Plan upravljanja otpadom („Službene novine Zeničko-dobojskog kantona“, broj:1/09), definira preduvjete za održivi integralni sistem upravljanja otpadom na području Zeničko-dobojskog kantona za duži period, uz mogućnost vršenja prilagodbi u fazi implementacije, koje su uzrokovane izmijenjenim uvjetima, novim okolnostima, te vremenskim i ekonomskim ograničenjima.

Navedeni Plan predstavljao je i bitnu podlogu u izradi Prostornog plana Zeničko-dobojskog kantona.

## POSTOJEĆE STANJE

Praksa upravljanja čvrstim otpadom na području Zeničko-dobojskog kantona je apsolutno neprihvatljiva, prije svega sa ekološkog i zdravstvenog aspekta.

Najčešća praksa, odnosno, način upravljanja i odlaganja otpada, uzrokuje zagađivanje svih segmenata okoliša - zraka, vode, tla, biljnog i životinjskog svijeta, krajolika i izgrađenog okoliša.

Oficijelna mjesta odlaganja otpada se, u najvećem broju slučajeva, koriste bez ikakvih zaštitnih mjera, pa se zbog toga po svojim karakteristikama gotovo ne razlikuju od divljih odlagališta. Osim toga, pored obaveze upravljanja otpadom, komunalna preduzeća izvršavaju i niz drugih zadataka u sklopu svojih aktivnosti.

Uzimajući u obzir navedeno, usvojeni Plan upravljanja otpadom, definiše osnovni koncept upravljanja otpadom koji se zasniva na hijerarhiji postupaka tretmana otpada koji su sastavni dio integralnog sistema upravljanja otpadom a to su: *izbjegavanje, smanjivanje, recikliranje, obrada i odlaganje*.

Dakle, najveći prioritet u tretmanu otpada moraju imati aktivnosti na njegovom izbjegavanju, a postojeća praksa direktnog odlaganja otpada ima najniži prioritet.

Ova dva prioriteta predstavljaju granične zahtjeve integralnog sistema upravljanja otpadom, tako da je realno rješenje negdje između, što u praksi znači - smanjivanje proizvodnje otpada, njegovo recikliranje i obrada.

Implementacija ovih ciljeva je moguća jedino uvođenjem integralnog sistema upravljanja otpadom.

Planom upravljanja otpadom na području Zeničko-dobojskog kantona su, zbog konfiguracije, rasporeda i infrastrukturne povezanosti općina, ali i zbog principa regionalnosti, predviđene dvije zone za uspostavljanje centara za upravljanje otpadom:

**ZONA I obuhvata:** Zenicu, Visoko, Kakanj, Brezu i Vareš.

**ZONA II obuhvata:** Maglaj, Žepče, Zavidoviće, Tešanj, Usoru i Doboj jug.

Kao što je već pomenuto, moguće su izmjene u fazi realizacije Plana, pa i promjene pripadnosti pojedinih općina određenim zonama (npr. općine Tešanj, Usora, Doboj jug pa i Maglaj mogu pripasti Regionalnoj deponiji u Doboj).

Puštanjem u rad Regionalne deponije Mošćanica (06.06.2008.godine.), na području Zeničko-dobojskog kantona su se stekli preduslovi za početak implementacije osnovnih ciljeva iz Plana upravljanja otpadom.

U dosadašnjem radu Regionalne deponije Mošćanica, dopremljen je i odložen otpad iz općina regije kako slijedi:

## 1. Pregled dopremljenih količina komunalnog otpada na RD Mošćanica

Tabela 1

Pregled deponovanih količina komunalnog otpada po korisnicima u tonama (t)

| R/b | Korisnici        | Period<br>06.06.2008.<br>do<br>31.12.2008.<br>godine | 2009.<br>godina  | 2010.<br>godina  | 2011.<br>godine  | 2012.<br>godine  | 2013.<br>godine  | 2014.<br>godina  | Ukupno            |
|-----|------------------|--|------------------|------------------|------------------|------------------|------------------|------------------|-------------------|
| 1.  | Općina Zenica    | 9.512,57   | 21.680,05        | 20.873,63        | 22.906,86        | 25.276,30        | 25.224,34        | 26.320,62        | 151.794,37        |
| 2.  | Općina Busovača  | 647,61   | 1.184,08         | 1.194,24         | 1.081,44         | 479,37           | 1.143,67         | 1.288,94         | 7.019,35          |
| 3.  | Općina Visoko    | 181,18   | 1.036,67         | 7.463,86         | 7.282,21         | 7.574,98         | 7.459,63         | 7.615,22         | 38.613,75         |
| 4.  | Općina Žepče     | 27,54  | 318,74           | 613,92           | 560,73           | 417,97           | 674,77           | 749,80           | 3.363,47          |
| 5.  | Općina Travnik   | 739,61   | 4.198,08         | 6.075,32         | 5.935,66         | 6.019,72         | 5.837,21         | 5.998,21         | 34.803,81         |
| 6.  | Vitez            | 0  | 0                | 0                | 0                | 0                | 960,87           | 3.212,00         | 4.172,87          |
| 7.  | Novi Travnik     | 0  | 0                | 0                | 0                | 0                | 0                | 0                | 0                 |
| 8.  | Zavidovići       | 0  | 0                | 0                | 0                | 0                | 0                | 104,57           | 104,57            |
| 9.  | Kakanj           | 0  | 0                | 0                | 0                | 0                | 0                | 0                | 0                 |
| 10. | Ostali korisnici | 702,18   | 333,47           | 859,27           | 1.216,90         | 259,27           | 270,41           | 275,04           | 3.916,54          |
|     | <b>Ukupno</b>    | <b>11.810,69</b>                                     | <b>28.751,09</b> | <b>37.080,24</b> | <b>38.983,80</b> | <b>40.027,61</b> | <b>41.570,83</b> | <b>45.564,40</b> | <b>243.788,73</b> |

Dopremljene količine otpada (t) na Regionalnu deponiju „Mošćanica“ za period  
**01.01.2015. – 30.06.2015.godina**

Tabela 2

| R. br | Općina           | Januar          | Februar         | Mart            | April           | Maj             | Juni            | Ukupno           |
|-------|------------------|-----------------|-----------------|-----------------|-----------------|-----------------|-----------------|------------------|
| 1.    | Zenica           | 2.023,49        | 1.857,08        | 2.190,47        | 2.238,21        | 2.234,10        | 2.260,98        | 12.804,33        |
| 2.    | Visoko           | 810,80          | 698,31          | 732,96          | 678,61          | 644,96          | 595,85          | 4.160,89         |
| 3.    | Travnik          | 455,87          | 402,00          | 456,77          | 509,26          | 531,69          | 560,05          | 2.915,64         |
| 4.    | Vitez            | 258,14          | 250,76          | 261,53          | 237,97          | 280,77          | 276,17          | 1.565,34         |
| 5.    | Busovača         | 28,81           | 89,81           | 98,83           | 135,58          | 119,76          | 117,65          | 490,44           |
| 6.    | Žepče            | 63,89           | 64,98           | 64,37           | 66,92           | 62,07           | 68,32           | 390,55           |
| 7.    | Zavidovići       | 24,61           | 28,89           | 26,94           | 34,51           | 33,48           | 32,71           | 181,14           |
| 8.    | Ostali korisnici | 23,96           | 16,15           | 66,05           | 25,68           | 14,74           | 16,96           | 163,54           |
|       | <b>Ukupno</b>    | <b>3.689,57</b> | <b>3.407,98</b> | <b>3.897,92</b> | <b>3.926,74</b> | <b>3.921,57</b> | <b>3.928,09</b> | <b>22.771,87</b> |

Uslovi pod kojima Deponija zaprima i deponuje otpad propisani su Pravilnikom o odlaganju otpada a odnosi između privrednog društva i korisnika usluga deponije regulisani su Sporazumom o pristupanju Projektu upravljanja čvrstim otpadom i Ugovorom o korištenju usluga Regionalne deponije Mošćanica u Zenici.

Sastavni dio Ugovora o korištenju usluga Regionalne deponije je i cjenovnik usluga odobren od Skupštine Društva.

RDM d.o.o. Zenica, kao javno preduzeće, formirano je radi obavljanja djelatnosti od javnog interesa a ne radi sticanja dobiti. Zbog toga se Plan poslovanja pravi na bazi pokrivanja troškova rada i ispunjavanja svih obaveza Društva.

Uzimajući u obzir navedeno, a na bazi analitike troškova, utvrđena je cijena deponiranja komunalnog otpada u iznosu od **45,70 KM/t**, bez PDV-a.

Treba naglasiti činjenicu da je cijena deponovanja u direktnoj vezi sa količinom otpada koji se deponuje te da povećanje količina deponovanog otpada može dovesti do snižavanja cijene deponiranja.

Sporazum o pristupanju projektu upravljanja čvrstim otpadom i korištenju Regionalne deponije Mošćanica u Zenici potpisalo je osam općina Regije.

Iz Srednjobosanskog kantona to su općine *Travnik, Vitez, Novi Travnik i Busovača*, a iz Zeničko-dobojskog kantona općine *Zenica, Žepče, Zavidovići i Visoko*.

Usluge Regionalne deponije na Mošćanici uopšte ne koristi općina Novi Travnik, dok je Vitez započeo sa djelimičnim odlaganjem tokom 2013.godine, a općina Zavidovići je započela sa simboličnim odlaganjem tokom 2014.godine.

Općina Kakanj, koja je najbliža lokaciji sanitarne deponije, nije ni pristupila projektu upravljanja čvrstim otpadom u Regiji.

Iz podataka o deponovanim količinama otpada po korisnicima, jasno je da usluge Deponije u najvećoj mjeri koristi grad Zenica, a samim time nosi i najveći teret plaćanja troškova rada.

Nažalost, sve ovo se finansira kroz aktuelnu cijenu usluge odlaganja, koja je veća zbog nikakvog ili nedovoljnog uključivanja drugih općina iz Regije u sistem odlaganja otpada na Regionalnu deponiju.

Sa tehničkog aspekta, potrebno je istaći, da će kapacitet odlagališnih kaset u I fazi, biti dostignut za 2-3 godine. Kasete će biti popunjene otpadom, što znači da treba započeti sa izradom Idejnog i Glavnog projekta izgradnje II faze odlagališnih kaset sa pripadajućom infrastrukturom.

Osim toga, na Regionalnoj deponiji Mošćanica potrebno je implementirati Glavni projekat otplinjavanja deponijskih kaset I faze (ćelije 1,2,3,4,5) sa bakljom, te rješavati prečišćavanje procjednih voda - deponijskog filtrata.

Kako se radi o investicijama u vrijednosti preko 5 miliona KM, neophodno je uključenje Federalnog ministarstva okoliša i turizma i Fonda za zaštitu okoliša Federacije BiH, u cilju obezbjeđenja finansijskih sredstava.

Daljnji razvoj Projekta upravljanja čvrstim otpadom na Regiji za upravljanje čvrstim otpadom koju pokriva Regionalna deponija Mošćanica moguće je realizovati jedino uključivanjem većeg broja korisnika čime se postižu ciljevi koji vode ka uspostavi Integralnog sistema upravljanja otpadom.

Puštanjem u rad Regionalne deponije Mošćanica stvorena je prva, ali najvažnija pretpostavka za uspostavu integralnog sistema upravljanja otpadom.

Potrebno je naglasiti da, prema Zakonu o upravljanju otpadom i njegovim provedbenim propisima, postojeće općinske deponije moraju ispuniti bar minimalne uslove za odlaganje, ali, dugoročno se, u skladu sa navedenim zakonskim rješenjima i donesenim strateškim dokumentima, moraju postupno zatvarati.

Uvažavajući navedeno, kao i činjenicu da ni jedna općina na području Zeničko-dobojskog kantona nije u mogućnosti sebi priuštiti izgradnju i održavanje vlastite sanitarne deponije, ne samo zbog ograničenih finansijskih sredstava, nego i zbog nedovoljnih količina otpada koje su potrebne za samoodrživost iste, Federalno ministarstvo okoliša i turizma je donijelo Rješenja o zatvaranju pojedinih općinskih deponija i to:

**Deponija komunalnog otpada Side, općina Zenica**

Datum izdavanja Rješenja: 14.11.2012.godine, Rok za zatvaranje: 31.12.2012.godine

**Deponija komunalnog otpada Trebetović, općina Žepče**

Datum izdavanja Rješenja: 13.02.2013.godine, Rok za zatvaranje: 31.01.2014.godine

**Deponija komunalnog otpada Očazi, općina Visoko**

Datum izdavanja Rješenja: 04.03.2013.godine, Rok za zatvaranje: 01.03.2014.godine

**Deponija komunalnog otpada Nekolj, općina Maglaj**

Datum izdavanja Rješenja: 13.02.2013.godine, Rok za zatvaranje: 31.01.2014.godine

**Deponija komunalnog otpada Bare, općina Kakanj**

Datum izdavanja Rješenja: 31.12.2012.godine, Rok za zatvaranje: 31.12.2013.godine

**Deponija komunalnog otpada Ekonomija, općina Zavidovići**

Datum izdavanja Rješenja: 23.11.2012.godine, Rok za zatvaranje: 31.12.2013.godine

**Deponija komunalnog otpada Krčevac i Selište, općina Busovača (SB kanton)**

Datum izdavanja Rješenja: 07.03.2013.godine, Rok za zatvaranje: 01.03.2014.godine

Za kontrolu navedenih rješenja zadužena je Federalna uprava za inspekcijske poslove.

U cilju pomoći u realizaciji izdatih rješenja, Federalno ministarstvo okoliša i turizma u saradnji sa međunarodnom organizacijom SIDA, tokom 2012., 2013. i 2014.godine, izvršilo je novčane transfere prema općinama Zeničko-dobojskog kantona, kako slijedi:

Transferi prema općinama

Tabela 3

| R.br. | Općina        | Transfer FMOIT-a                                       | Transfer SIDA          |
|-------|---------------|--|------------------------|
| 1.    | ZENICA        |  | 448.345,00 KM          |
| 2.    | ZAVIDOVIĆI    | 2012.godina: 164.120,00 KM                             | 371.979,00 KM          |
| 3.    | KAKANJ        | 2013.godina: 108.347,00 KM                             |                        |
| 4.    | VAREŠ         | 2012.godina: 48.042,00 KM<br>2014.godina: 50.820,00 KM |                        |
| 5.    | MAGLAJ        | 2013.godina: 76.488,00 KM                              |                        |
| 6.    | ŽEPČE         | 2013.godina: 82.862,00 KM                              | 332.054,00 KM          |
| 7.    | VISOKO        | 2013.godina: 108.347,00 KM                             | 291.072,00 KM          |
| 8.    | OLOVO         | 2013.godina: 76.488,00 KM                              |                        |
| 9.    | TEŠANJ        | 2014.godina: 55.440,00 KM                              |                        |
|       | <b>Ukupno</b> | <b>770.954,00 KM</b>                                   | <b>1.443.450,00 KM</b> |

## 2. Pokrivenost područja sakupljanjem otpada

Jedan od izuzetno značajnih indikatora integralnog sistema upravljanja otpadom je i pokrivenost općinskog područja sakupljanjem otpada.

Prema podacima koje su dostavile pojedine općine, pokrivenost područja je:

Pokrivenosti područja sakupljanjem otpada

Tabela 4

| Općina     | Pokrivenost prostora (%) | Broj stanovnika |
|------------|--------------------------|-----------------|
| Breza      | 70%                      | 10.200          |
| Doboj-Jug  | 90%                      | 4.500           |
| Kakanj     | 65%                      | 21.000          |
| Maglaj     | 70%                      | 19.200          |
| Olovo      | 10%                      | 4.000           |
| Tešanj     | 90%                      | 24.590          |
| Usora      | 100%                     | 7.500           |
| Vareš      | 70%                      | 7.500           |
| Visoko     | 65%                      | 25000           |
| Zavidovići | 55%                      | 22.000          |
| Zenica     | 71%                      | 72.400          |
| Žepče      | 60%                      | 20.000          |

Povećanje stepena prikupljanja otpada, sa područja pojedinih općina, postiže se kvalitetnijom i brojnijom mehanizacijom, proširenjem prostornih kapaciteta kao i kaznenim mjerama prema kolektivima i pojedincima koji svoj otpad nepropisno odlažu.

## 3. Oprema za sakupljanje otpada

Gore navedena pokrivenost područja prikupljanja otpada postiže se sljedećom opremom:

### Općina Zenica

Operater nadležan za prikupljanje otpada u općini Zenica je preduzeće „Alba“ d.o.o. Zenica.

*Preduzeće posjeduje sljedeću opremu:*

|                                  |          |
|----------------------------------|----------|
| Kamione - smećare                | 10 kom   |
| Kamione - podizače               | 2 kom    |
| Kamione - grajferne              | 3 kom    |
| Skip kontejner 5m <sup>3</sup>   | 20 kom   |
| Metalni kontejneri 1000 litara   | 600 kom  |
| PVC kante 240 litara i 70 litara | 6800 kom |

### Općina Kakanj

Operater nadležan za prikupljanje otpada u općini Kakanj je JP „Vodokom“ Kakanj.

*Preduzeće posjeduje sljedeću opremu:*

|                                    |         |
|------------------------------------|---------|
| Autopodizač - SCANIA               | 2 kom   |
| Specijalno vozilo za transport MAN | 1 kom   |
| Teretno vozilo MAN KIPER           | 1 kom   |
| Specijalno vozilo - SKIP           | 1 kom   |
| Kombi vozilo PICK UP               | 1 kom   |
| Kontejneri                         | 229 kom |

### **Općina Visoko**

Operater nadležan za prikupljanje otpada u općini Visoko je JKP „Visočica“ Visoko.

*Preduzeće posjeduje sljedeću opremu:*

|                       |         |
|-----------------------|---------|
| Kamione - smećare     | 8 kom   |
| Kamione - podizače    | 1 kom   |
| Traktor sa prikolicom | 1 kom   |
| Metalni kontejneri    | 250 kom |
| PVC kante             | 850 kom |

### **Općina Breza**

Operater nadležan za prikupljanje otpada u općini Breza je JP „Komunalno“ Breza.

*Preduzeće posjeduje sljedeću opremu:*

|                            |         |
|----------------------------|---------|
| Specijalno vozilo za otpad | 2 kom   |
| Grajer                     | 1 kom   |
| Skip                       | 1 kom   |
| Traktor                    | 1 kom   |
| Metalni kontejneri         | 120 kom |
| Kontejneri za PET ambalažu | 60 kom  |

### **Općina Vareš**

Operater nadležan za prikupljanje otpada u općini Vareš je JKP „Vareš“ Vareš.

*Preduzeće posjeduje sljedeću opremu:*

|                                       |         |
|---------------------------------------|---------|
| Specijalno vozilo DAFFAT              | 1 kom   |
| Specijalno vozilo VOLVO               | 1 kom   |
| Mercedes Benz D                       | 1 kom   |
| Mercedes Benz Unimag                  | 1 kom   |
| Radna mašina - utovarivač             | 1 kom   |
| Metalni kontejneri 1,1 m <sup>3</sup> | 340 kom |
| PVC kante                             | 80 kom  |

### **Općina Olovo**

Operater nadležan za prikupljanje otpada u općini Olovo je JKP „Bioštica“ Olovo.

*Preduzeće posjeduje sljedeću opremu:*

|                              |        |
|------------------------------|--------|
| Radno vozilo za odvoz smeća  | 1 kom  |
| Specijalizirano vozilo „MAN“ | 1 kom  |
| Caterpillar                  | 1 kom  |
| Transporter                  | 1 kom  |
| Kontejneri                   | 80 kom |

### **Općina Zavidovići**

Operater nadležan za prikupljanje otpada u općini Zavidovići je JKP „Radnik“ Zavidovići.

*Preduzeće posjeduje sljedeću opremu:*

|                          |         |
|--------------------------|---------|
| Vozila za prevoz otpada  | 3 kom   |
| Kamion Mercedes kiper    | 1 kom   |
| Radna mašina TG buldožer | 1 kom   |
| Metalni kontejneri       | 363 kom |



### **Općina Maglaj**

Operater nadležan za prikupljanje otpada u općini Maglaj je KJD „Maglaj“ d.o.o. Maglaj.

*Preduzeće posjeduje sljedeću opremu:*

|                                       |        |
|---------------------------------------|--------|
| Smećara                               | 2 kom  |
| Autopodizač                           | 2 kom  |
| Autoutovarivač                        | 2 kom  |
| Kiper                                 | 1 kom  |
| Metalni kontejneri 1,1 m <sup>3</sup> | 70 kom |
| Metalni kontejneri 5,0 m <sup>3</sup> | 12 kom |

**Napomena: Veliki broj kontejnera uništen je u poplavama 2014.godine.**

### **Općina Žepče**

Operater nadležan za prikupljanje otpada u općini Žepče je JP „Komunalno“ Žepče.

*Preduzeće posjeduje sljedeću opremu:*

|                                      |          |
|--------------------------------------|----------|
| Vozila                               | 2 kom    |
| Bager za razgrtanje otpada           | 1 kom    |
| Metalni kontejneri 1,1m <sup>3</sup> | 150 kom  |
| PVC kante                            | 1500 kom |

### **Općina Tešanj**

Operater nadležan za prikupljanje otpada u općini Tešanj je JP „Rad“ Tešanj.

Otpad se odlaže na deponiju Bukva.

*Preduzeće posjeduje sljedeću opremu:*

|                                      |          |
|--------------------------------------|----------|
| Smećara                              | 4 kom    |
| Buldožer                             | 1 kom    |
| Kompaktor                            | 1 kom    |
| Mašine za zemljane radove            | 2 kom    |
| Metalni kontejneri 1,1m <sup>3</sup> | 190 kom  |
| Kante                                | 5200 kom |

### **Općina Usora**

Operater nadležan za prikupljanje otpada u općini Usora je JKP „Usora“ Usora.

*Preduzeće posjeduje sljedeću opremu:*

|                                   |       |
|-----------------------------------|-------|
| Vozilo za presanje i odvoz otpada | 1 kom |
| Kontejneri                        | 8 kom |

### **Općina Doboj Jug**

Operater nadležan za prikupljanje otpada u općini Doboj Jug je JKP „Vis“ Doboj Jug.

*Preduzeće posjeduje sljedeću opremu:*

|                                   |        |
|-----------------------------------|--------|
| Vozilo za presanje i odvoz otpada | 1 kom  |
| Kontejneri                        | 81 kom |

#### **4. Prijedlog mjera**

U cilju poboljšanja stanja u oblasti upravljanja komunalnim otpadom neophodno je poštivanje postojeće zakonske regulative kao i donesenih strateških dokumenata – Strategije zaštite okoliša Federacije Bosne i Hercegovine za period 2008-2018. godina i Plana upravljanja otpadom na području Zeničko-dobojskog kantona.

Uzimajući u obzir sve izloženo, možemo konstatovati da je neophodna uspostava integralnog sistema upravljanja otpadom, za što na području Zeničko-dobojskog kantona postoji osnovna i vrlo bitna pretpostavka - izgrađena regionalna deponija u skladu sa evropskim standardima.

U daljem toku uspostave sistema integralnog upravljanja otpadom potrebno je sljedeće:

- Realizirati neophodne projekte na Regionalnoj deponiji „Mošćanica“
- Priključenje svih općina projektu upravljanja čvrstim otpadom
- Povećati stepen pokrivenosti područja prikupljanjem otpada
- Povećati stepen selektivnog prikupljanja otpada
- Izgraditi reciklažna dvorišta sa selektivnicama s ciljem da općine na deponiju dovoze samo neiskoristivi dio otpada
- Intenzivirati aktivnosti na promociji ekološke kulture građana

Realizacijom navedenih mjera u cjelosti bi se riješio problem prikupljanja i odlaganja komunalnog otpada na području Zeničko-dobojskog kantona.

Nekoliko općina (Zenica, Visoko, Žepče, Kakanj i Tešanj) je pristupilo navedenim aktivnostima te izradilo Planove prilagođavanja, pokrenulo izrade projektne dokumentacije za sanaciju postojećih deponija i za izgradnju pretovarnih stanica i selektivnica.

Na ovaj način stvaraju se pretpostavke da Zeničko - dobojski kanton, kao prvi kanton u Federaciji Bosne i Hercegovine, u potpunosti riješi problem prikupljanja i odlaganja komunalnog otpada.

**Obradio:**

Sead Čizmić

**MINISTAR**

**Goran Bulajić**